



Uunga
Inatsisartunut ilaasortaq
Knud Fleischer
-/maani

Inatsisartut suleriaasianni § 37 naapertorlugu Inatsisartunut ilaasortap, Knud Fleischerip, Kattusseqatigiit Partiiat, apeqquteqaataanut allakkatigut akissut.

23. mar 2012
Sagsnr. 2012-063466
Dok. Nr. 854893

Inatsisartunut ilaasortap apeqqutaanut qujavunga.

Postboks 1160
Tlf: 34 50 00
Fax: 32 55 05
3900 Nuuk

Apeqqutit makkuupput:

Email: pn@nanoq.gl
www.nanoq.gl

- 1) **Nunaqafinni peqqissaasut qanoq akulikitsigisunik pikkorissartinneqartarpat?**
- 2) **Ungasianiit nakorsartitsisarnerit qanoq annertutigisumik nunaqarfinni atorneqarpat?**
- 3) **Peqqinnissaqarfik eqqarsaatigalugu qanoq nunaqarfinni atortutigut inissimappat?**

1 pillugu)

Peqqinnissaqarfiup Pikkorissartitsinernut immikkoortortaqarfia ukiut tamaasa Peqqinnissaqarfimmi peqqissaasutut atorfeqartut pikkorissarnissaannut aamma ilinniaqqinnissaannut neqeroorteqartarpoq. Pikkorissartitsinerit tamakku pisariaqartitsinerit aallaavigalugit aqqissuunneqartarput. Pikkorissartitsinerit nunaqarfinni peqqissaasunuinnaq tunngatinneqartut ingerlanneqarneq ajorput, Peqqinnissaqarfimmili peqqissaasunut tamanut naatsorsuussaallutik. Peqqissaasut tamarmik qaninnerpaatut aqutsisumik inasuteqarneratigut tamakkununga peqataanissaminnut periarfissaqarput.

2011-mi makku pipput:

- Peqqinnissaqarfiup Pikkorissartitsinernut immikkoortortaqarfia aqqutigalugu peqqissaasunik nunaqarfinni atorfeqartunik pikkorissartoqarsimanngilaq.
- Peqqinnissaqarfiup Pikkorissartitsinernut immikkoortortaqarfia aqqutigalugu sundhedsassistentit sisamat nunaqarfinni atorfeqartut pikkorissarnermut ilaasimapput.
- Peqqinnissaqarfiup Pikkorissartitsinernut immikkoortortaqarfia aqqutigalugu peqqinnissamik suliaqartut marluk nunaqarfinni atorfeqartut pikkorissarnermut ilaasimapput
- Peqqinnissaqarfiup Pikkorissartitsinernut immikkoortortaqarfia aqqutigalugu nunaqarfinni peqqinnissamik sullissisut sisamat pikkorissarnermut ilaasimapput.

2 pillugu)


Nunaqarfiit 50-it sinnerlugit inullit tamarmik Pipalummik (qarassaasiaq atorlugu nakorsartitsissummik) aamma Æskulapimik (qarassaasiaq atorlugu nakorsat paasissutissanik nalunaarsuiffiannik) atortuligaapput. Nunaqarfimmi sulisut aamma Nunap immikkoortuani napparsimmavimmi nakorsat akornanni attaveqatigiitarneq pisarpoq misissukkat Æskulapimi imaluunniit Pipalummi nalunaarsugaasimasut aallaavigalugit.

Pipalummik aamma taassuminnga atuineq pillugu nalilersuinerit maanna ingerlanneqarput.

3 pillugu)

Nunaqarfinni nakorsiartitsisarnerni atortut nunaqarfimmi nakorsiartitsisarnermi suliari-neqartartussatut naatsorsuutigisanut naapertuupput. Taamaalilluni nakorsiartarfiit tamarmik ima atortulersugaapput tassanngaannartumik napparsimalersoq apuunneqarnermini misissorneqarsinnaassalluni, aap naqitsineranik misissuut pigineqarluni, aap ilteqarneranut uuttuuteqarluni, uummarsaanermut atortoqarluni mattutissallu misissueq-qissaarnissamullu atortussat pisariaqartut pigineqarlutik. Tamakku saniatigut misissuinerit aamma passussinernut annikinnerusunut atortut pigineqarput.

Inussiarnersumik inuulluaqqusillunga



Agathe Fontain



Kattusseqatigiit Partiiat

07 marts 2012

Inatsisartut suleriaasianni § 37 naapertorlugu apeqquteqaat imaattoq Naalakkersuisunut ingerlateqqippara:

Naalakkersuisunut apeqqutit:

1. Nunaqarfinni peqqissaasut qanoq akulikitsingisunik pikkorissartinneqartarpat?
2. Ungasianiit nakorsiatitsissarnerit qanoq annertutingisumik nunaqarfinni atorneqarpat?
3. Peqqinnissaqarfik eqqarsaatingalungu qanoq nunaqarfinni atortutingut inissisimappat?

(Inatsisartunut ilaasortaq Knud Fleischer, Kattusseqatigiit Partiiat)

Tunngavilersuut:

Inatsisartuni ilaasortatut peqqinnissaqarfiup nutarterneqarneranut atatsillugu qanoq qulaani apeqqutigineqartut pillugit suliniuteqartoqarnerisq paaserusukkakku apeqquteqaateqarpunga.

Apeqqutit ullut qulit iluini akineqarnissaat kissaatingalungu apeqquteqaatit nassiuppangut.